



Президент Шавкат Мирзиёев 21 февраль куни Тошкент шаҳрида кўп квартирали уй-жой фондини бошқаришни такомиллаштириш ва иссиқлик таъминоти тизимини ривожлантириш, маҳаллаларни ободонлаштириш ва кўкаламзорлаштириш ҳамда геология соҳаси ва кимё санаятидаги инвестиция лойиҳалари билан танишди.



Президентимиз «Спортни ривожлантириш вазирлиги фаолиятини ташкил этиш тўғрисида»ги қарорга имзо чеқди.

«Туризм ва маданий мерос вазирлиги фаолиятини ташкил этиш тўғрисида»ги Президент қарори имзоланди.



Давлатимиз раҳбарининг «Туризм, маданий мерос ва спорт соҳаларида давлат бошқарувини такомиллаштиришга доир ташкилий чора-тадбирлар тўғрисида»ги Фармони қабул қилинди.



Гулистон шаҳрида «Save Aral-2022» («Оролни қутқарамиз») шиори остидаги оммавий югуриш марафони бўлди. Марафон Гулистон шаҳрининг «Гулистон» кўчасида старт берилди. Иштирокчилар Ислон Каримов ва Алишер Навоий кўчалари бўйлаб 3 километрдан ортиқ масофани босиб ўтишди.



ЕХҲТнинг Украинадаги махсус мониторинг миссияси (МММ) Донбассда Минск битимида тақиқланган оғир қуроллардан кенг фойдаланиётганини қайд этди. Бу ҳақда яқшанба куни ЕХҲТ бош қотиби Хельга Шмид айтиб ўтди.



21 февраль куни Ўзбекистон Республикаси ташқи ишлар вазирлиги Абдулазиз Комилов Малайзия ташқи ишлар вазирлиги Сайфуддин Абдуллага икки давлат ўртасида дипломатик муносабатлар ўрнатилганининг 30 йиллиги муносабати билан табрик йўлади.

Ўзбекистон Республикаси ҳуқуқати делегациясининг Эрон Ислон Республикасига ташрифи доирасида Техрон шаҳрида савдо-иқтисодий, илмий-техникавий ҳамкорлик бўйича Ўзбекистон – Эрон Ҳукуматлараро комиссияси ҳамраислари – Ўзбекистон Республикаси Бош вазирининг ўринбосари – инвестициялар ва ташқи савдо вазирлиги С.Умурзоқов ва Эрон Ислон Республикаси саноат, қонлар ва савдо вазирлиги Саид Ризо Фотими Аминнинг учрашуви бўлиб ўтди.

## ЯШИЛ МАКОН – келажак саломатлик асоси

19-20 февраль кунлари Оролбўйи шаҳар ва туманларида «Яшил макон – келажак саломатлик асоси» шиори остида акция ташкил қилиниб,

**655 минг 500 туп**

мева ва манзарали дарахт кўчати ўтқазилди.



фото: УСА

### Таҳририятга мактуб

## «ISHONCH»га ишончли тобора ортимоқда

Ассалому алайкум,  
ҳурматли таҳририят ходимлари!

Ҳозирги кунда баъзи кишилар «Одамлар газета ўқимай, телевизор кўрмай қўйишди», деб айюҳаннос солишяпти. Уларнинг гапи қанчалар аччиқ бўлмасин, бироқ яқини хулоса чиқаришга ҳали эрта. Қолаверса, мен бу фикрларга тўлиқ қўйишга олмаман. Сабаби, мактабда ва ўзим иш юзасидан борадиган ташкилотларда матбуотга қизиқувчилар кўп. Шунингдек, менинг бўлажак журналист эканлигимни билиб, суҳбатлашишга ошқабдиган адабиёт ихлосмандлари ҳам истаганча топилди.

Ўзро мулоқотлар жараёнида маълум бўлишича, уларнинг аксарияти ўз ижодий машқини ёки илмий ишини қарерда чиқаришни билмай, катта миқдорда пул тўлаб, аллақандай хорижий сайтлар ва журналларда чоп эттиришади. Ҳолбуки, ўзимизда ҳам босма нашрлар сон-саноксиз. Бироқ кўпчилиги бир хил қолипда бўлиб, маълум меъёрларга асосланган. Ҳозирги одамларга эса қуруқдан-қуруқ ёки узундан-узук мақолалар ёқмайди.

Бу гапим билан барча босма нашрлар ҳам ўқиб бўлмайдиган даражада демоқчи эмасман. Жумладан, шахсан ўзим мунтазам кузатиб борадиган газета-журналлар кўп. Улар орасида, айниқса, «Ishonch»нинг ўрни бўлакча. Ушбу нашр таҳририяти ходимлари интернет асрида энг ишончли ахборотлар ва маълумотларни ўқувчиларга етказиш борасида беминнат хизмат қилишмоқда. Турли-туман рўқналар остида тайёрланган мақолаларни бошқа муштарийлар сингари мен ҳам катта қизиқиш билан ўқийман.

Мавриди келганда, фурсатдан фойдаланиб, бир таклиф билдирмоқчиман. Агар газетанинг бир саҳифаси адабиётга бағишланса, фойдадан холи бўлмасди. Хусусан, ёшлар ижодини, мамлакатимиздаги минглаб мактабларда фаолият юритаётган ижод тўғрақлари аъзолари фаолиятини ёритишда муҳим кўприк ва минбар вазифасини ўтаган бўларди. Чунки газетада шеъри ёки ҳикояси чиққан ёшлар то умрининг охиригача уни кўз қорачиқидек асраб-авайлаб сақлайди. Қолаверса, бадиий асарлар ихлосмандлари кўпчилигини ташкил этади ва адабиёт орқали барча кўнгиллар эшигини очса бўлади!

Бундан анча олдин бир ёзувчининг кўйидаги сўзларини ўқиган эдим: «Нима ёзсанг ҳам, уни ҳамма тушуна олсин. Амалдор ҳам, чўпон ҳам бирдек маза қилиб ўқисин. Агар бу иш қўлингдан келмаса, демак, сен ҳали ўз устингда ишлашинг керак. Акс ҳолда, бошқа касбнинг этагидан тутганинг маъқул».

Эҳтимол, ўша пайтлар бу гапларнинг маъносини яхши тушунмагандирман. Бироқ эндиликда улар фақат ёзувчиларгагина эмас, балки барча ижодкорларга тааллуқли эканлигини англаяман. Шунинг учун ҳар бир газета-журнал орқали оддий халқ кимларнидир таниб боришни хоҳлайман. Ўзим таҳририятда улғайганим боис улардаги ўзига яраша машаққатни жуда яхши биламан. Аммо меҳнатимиз ўз йўлига, муҳими, айтмаётган сўзимиз халққа етиб боришида! Агар айтмоқчи бўлганимизни бошқаларга етказиш олмаган, демак, биз ҳали кўп изланишимиз керак бўлади. Бугунги ўқувчини ўзига жалб этишининг ягона йўли ҳам аслида ҳаётда рўй бераётган воқеалар ва янгиликларни содда ва лўнда қилиб, бадиий бўёқларда баён этишидир.

Мен бу борада «Ishonch» газетаси таҳририяти ходимларига чин дилдан ҳавас қиламан ва уларнинг келгуси фаолиятларида муваффақиятлар тилайман.

Сарвиноз МАМАНОВА,  
Ўзбекистон журналистика ва оммавий коммуникациялар университети сиртқи бўлими II босқич талабаси, «Сада» адабиёт тўғраги раҳбари



Семинар

## ЯНГИ ЛОЙИҲА амалга оширилмоқда

«Тадбиркор аёл» Ўзбекистон ишбилармон аёллар ассоциацияси 2022-2026 йилларга мўлжалланган Тараққиёт стратегиясида белгилаб берилган вазифалардан келиб чиққан ҳолда, Германиянинг Халқаро ҳамкорлик бўйича жамғарма кассалари фонди билан бирга янги лойиҳани амалга оширишга киришди.

Ундан кўзланган асосий мақсад қишлоқ хўжалигида банд хотин-қизларнинг иқтисодий саводхонлигини ошириш, уларга молиявий ресурсларни бошқариш, ахборот ва молиявий ресурслардан фойдаланиш сир-асрорлари ҳақида маълумотлар беришдан иборатдир.

Лойиҳа доирасида қишлоқ хўжалиги соҳасида фаолият юритаётган ёки ушбу йўналишга қизиқиши бор аёллар учун Тошкент, Жиззах, Самарқанд вилоятлари ва Қорақалпоғистонда семинар-тренинглар ўтказилади. Ушбу мавзудаги илк тадбир Бекобод шаҳрида ташкил этилди. Тўрт кун мобайнида қишлоқ хўжалиги соҳасида ишлаётган ёки хусусий томорқасида ўз бизнесини бошлаш истагида бўлган 20

нафар хотин-қиз учун «Микро бизнес сабоқлари»дан амалий машғулотлар уюштирилди. Шу жараёнда иштирокчилар маркетингга оид билимлар олиш билан бир қаторда, бозор динамикаси ва рақобат, бухгалтерия ҳисоби ва назорат қилишнинг асосий тамойиллари, микро молия ташкилотлари ва миқозлар ўртасидаги ҳамкорлик, кредитдан самарали фойдаланишга оид маълумотларга ҳам эга бўлишди.

Семинарларда фаол қатнашганлар имтиёзли кредитлар олиш, оилавий тадбиркорликни бошлаш, мавжуд бизнесини ривожлантириш имконини қўлга киритадилар.

Комила БОЙМУРОДОВА,  
«ISHONCH»

### КЕЛГУСИ СОНЛАРДА ЎҚИНГ...







